

〔鷲峯文集行實十二〕從五品大炊頭源好房行實

花不全開而落，苗秀而不實者，可以惜焉。植物猶然，況於穎悟孝子哉。從五品大炊頭好房君，以今年六月二十三日，逝於箕田第。春秋僅二十一。○中君幼而岐嶷，四五歲而解國俗字，知方角字，向府城及父母所在之方，不敢伸足，常侍父母，知在側，冊子之名，每有問者，應聲而答，不違其一。出則告父母，反則來前，若得珍品，獻之父母，把見則愉愉如也。父母賜物，則拜而受之，愛而不失。有時賜書，則戴而披之，讀畢又戴而納之。凡父母所言，敬而不違，或與侍者談，而及父母之事，則雖臥必起，正坐而聞之。或侍母側，若見寸刃錐針之類，則慮其誤觸，而手自收焉。稍長，在榜室晨省昏定，問其安否。雖他適，夜闌無不及。面當花時，月夜則屢請迎父母，和樂添興，或罹疾，則不離其側。藥必先嘗，食必先試而進之。或丁憂，則慰諭順承，以勸飲食，漸及成童，厭粉奢守儉約，不恣其志。所言所行，皆順父母之心。父在封邑，則勤留守事，所告所報，無懈無闕，而事母愈謹，愈敬，且寓諷諫之趣，而慮不協其心，自省自悔，無不盡心待。其有喜色而退，稟性多病，常懼為父母之憂，而治養甚慎，故七齒復初者數矣。其孝志之大概如此。至若日用細少多端，則不可勝計也。○下

〔鷲峯文集傳五十一〕丹州孝子傳贊論附

丹波國天田郡土師村有一孝子，曰盧田為助。號七左其父曰井上。○中為助天性至孝，事父母盡心力，

其所言無不從焉。寒夜則以己膚溫席，而令父母臥其上。窺其熟睡，躡而竊入，加被而退，欲不驚覺也。若父母睡覺，則問其安否，而容父母足於己懷，溫之而退。如此者，每夜或再，或三，無敢闕焉。炎天則擇樹陰涼處，構庇障，日負父母，憩坐於其下，自梳其白髮，以散鬱蒸。其寢則先扇其臥處，拂暑氣以迎之。飲食不足，則唯供父母，己忍飢渴，而對父母，乃言食有餘，不令知。簞瓢屢空，若偶得一物於外，則喜而奉之。母常畏雷，故霹靂則不離其傍。雖出在他，必速歸保護焉。平生給養之暇，不怠耕耨，納其貢稅，不肯違期。縱然絕己糧，無闕奉上之物，不蒙未進之責，不借他人之物。其為人柔和而能勤產業，是以一村邑長及戶民，